

ULAGAČI Taj Sosnovski, predsjednik Vijeća stranih investitora

Želimo u BiH dovesti što više biznismena iz svijeta

Vijeće čine najveće inozemne kompanije u proizvodnji i uslugama, poput „Natron Hayata“, „Mittal Steela“, „Triland Developmenta“, „Mercatora“...

Taj Sosnovski (Tie Sosnovski), direktor u kompaniji „Trilanda BiH“, koja u Sarajevu na Marindvoru podiže „ALTA centar“, jednu od najvećih uslužno-trgovačkih investicija u BiH, odnedavno je predsjednik Vijeća stranih investitora u BiH (FIC).

Za manje upućene reklo bi se da se radi o još jednoj od brojnih sličnih nevladinih organizacija.

Referentna lista

No, referentna lista članova govori sasvim drugačije, jer su u Vijeću predstavnici kompanija „Arcelor Mittal Steel“ iz Zenice, „Birač“ iz Zvornika, „Natron Hayat“ iz Maglaja, „Meggle“ iz Bihaća, cementara u Lukavcu i Kaknju i brojnih drugih firmi.

Poziv VTK-u i FIPA-i

Vijeće stranih investitora pozvalo je Vanjskotrgovinsku komoru BiH, FIPA-u i druge koji djeluju na ovom području da se okupe oko jedinstvenog cilja - privlačenja stranih investitora i poboljšanja poslovnog ambijenta u zemlji.

Tu su i finansijske, trgovačke i uslužne kuće: HVB, Hypo, „Raiffeisen“, „Mercator“, „Trilanda Development“ iz SAD, „PricewaterhouseCoopers“...

- Svi smo povezani zajedničkim ciljem. Zasad nas ima 22 članice. Želimo poboljšati



Sosnovski: Bolji poslovni ambijent

strane investicije, ne teoretski, već na primjerima naših ulaganja koja premašuju četiri milijarde maraka - kaže za „Dnevni avaz“ Taj Sosnovski.

Zajedničko tržište

Kad bi se ambijent popravio, prije svega kad bi se dobio jedinstveni i usklađeni ekonomski prostor BiH, izbalansirali porezi i carine, pojednostavili propi-

si o gradnji i registracije, dobio centralni bh. registar firmi..., Sosnovski ocjenjuje da bi prodor stranih ulagača bio daleko veći nego što se može i pretpostaviti.

Kako ističe, BiH bi tome najviše doprinijela kad bi prva objavila uspostavljanje zajedničkog tržišta za jugoistočnu Evropu, kao temeljnog cilja za ekonomski razvoj zemlje.

E. PLEČIĆ